

大藏聖教法寶標目卷第四

庭四

聲如雲雨雷電如畫隨意從空盡空萬物

元清源居士王古撰

月光童子經

亦爾

無字寶篋經 敢

申日兒本經

離文字普光明藏經

德護長者經二卷

徧照光明藏無字法門經

月光童子經

申日兒本經

右三經本同譯別佛答勝思惟菩薩問菩薩所應斷除三毒我執懈怠睡眠無明等應當守護一法謂已所不欲勿施於人及如來所證知法

右三經同本異譯說童子父名申日信奉外道以火坑毒食試佛童子諫父佛爲降伏受度事

文殊師利問菩提經

伽耶山頂經

大乘伽耶山頂經

象頭山頂精舍經

右文殊答淨光天子及諸菩薩問菩提心

義菩薩行法四經本同譯別

長者子制經

老母經

老女人經

右三經本同譯別老母問佛四相五陰六

根四大從何所來去至何所佛爲說諸法來無所從去無所至如兩木出火如鼓出

菩薩逝經

逝童子經

右三經本同譯別說長者子以食與衣奉施如來佛爲授記

犢子經

庚四

乳光佛經

右犢子捨乳施佛佛爲授記後二十劫作

佛二經本同譯有詳略

無垢賢女經

腹中女聽經

右佛說法無垢女在胎藏中跪聽即示現

出生現大神變事

轉女身經

右經初如無垢賢女經所譯文義詳廣佛

說轉女身法門無垢女等皆爲男子

無上依經二卷 殿

右阿難問造高閣及四事供養施四方僧與起佛塔供養舍利二種福德何者爲多佛言供養微塵數世界四果辟支佛不如佛涅槃後取舍利如芥子大造塔如阿摩羅子大露槃如棗葉大此功德甚多於前若不回向菩提所獲福德如世界微塵數作諸天王況轉輪王下卷說如來三十二相八十種好種種勝妙功德因果不可思議

庚四

未曾有經

庚四

甚希有經

三

右二經與前無上依經本同譯別前廣後略

希有希有校量功德經

最無比經

右二經本同譯別佛說供養大千世界諸佛上妙樂具起塔高廣所獲福德不如起淨信心受三歸依受三歸依不如一念頃受持十善受十善不如一晝夜持八戒受盡形大戒其福轉勝前所獲福百千萬分不及其一

大乘百福莊嚴相經

二經本同譯別右佛說一闍浮提衆生十

善福聚數滿百倍成一轉輪聖王王四天下自在福如是百倍成一天王帝釋福聚又增滿百倍成一第六他化自在天王福又百千倍成一梵王福此上漸漸倍增成大千世界主大梵天福又無量億百千倍

成一最後身菩薩福又無量億百千倍成如來一毛孔福復百千倍成一隨好福復百千倍成三十二相中一相福三十二相福聚始成如來隨類教化一切衆生音聲福聚如是威光勢力皆不可思議及所修因地行願法門

決定總持經

謗佛經

右二經說十菩薩謗佛業障遇佛懺悔滅

除大略同本真言別

庭四

寶積三昧文殊問法身經

四

入法界體性經

右二經佛文殊舍利弗問答本同譯別

如來師子吼經

大方廣師子吼經

右佛命勝積菩薩往北方法上如來所聽

大師子吼方廣法門佛問汝從何來勝積

默然海衆皆疑三界尊問云何不答佛現
微笑曰諸佛境界不可思議當知無說是

名真說二經本同譯別

前世三轉經

銀色女經

右二經本同譯別說佛因地以身布施事

阿閻世王受決經

採華違王上佛受決經

諫王經 傷

如來示教勝軍王經

佛爲勝光天子說王法經

正恭敬經

善恭敬經

右二經說弟子事師儀範及罪報

庭四

五

稱讚大乘功德經

妙法決定業障經

右二經本同譯別說菩薩不應親近二乘
人及說大乘名義

大乘四法經

菩薩修行四法經

右二經四法謂寧失身命不捨菩提心親
近善友不捨忍辱依寂靜處二經本同譯

別

右三經本同譯別佛爲勝光王勝軍王等
說世間福樂五欲貴富自在威勢宮殿園
林親屬臣佐象馬車乘珍寶服御種種莊

嚴悉皆無常不可長保年少會老強健必

病含血之類要終歸死老病死時良醫拱

手迅速不停隨業流轉墮諸惡趣不可以

勢力逃避抗拒唯以正法治國勿行惡法

應愍衆生皆如一子薄賦斂省徭役賞善

罰惡遠離不忠良者無受佞言當受忠諫

恭敬三寶教民為善能如是龍天歡喜福

力延長國無災難壽命增益名聞十方後

生天上乃至成佛佛言我終不說獲得世

間諸欲樂具名富貴者得佛正法聖慧財

寶積聚受用乃名圓滿真富貴者

大方等修多羅王經

轉有經

右二經本同譯別佛為國王說無常空法

文殊師利巡行經

庭四

六

文殊戶利經

右二經本同譯別文殊舍利弗問答文殊
說真如法界衆生衆不減不增不染不淨
等

思惟十二因緣經

緣起聖道經

右二經說佛思十二因緣法本同譯別

稻芊經

了本生死經

右二經本同譯詳略別稻芊經彌勒為舍

利弗詳說十二緣義

自誓三昧經

如來獨證自誓三昧經

右二經本同譯別佛出家苦行成道淨

居天現證及迦葉證果

灌佛形像經

摩訶刹頭經

浴像功德經

浴像功德經

右四經本小有異譯別說供養舍利及造

佛像以香水灌浴佛像諸供養中最爲殊
庭四

勝所獲福德無量無邊

造佛像福報經

作佛形像經

右二經本同譯別優填王問造佛形像得

何福報佛說得種種福報無量無窮不墮

三惡道不生貧賤家生天得道乃至菩提

其福甚多於江河海水出過十倍

龍施女經

龍施菩薩本起經

右長者女名龍施見佛發無上道心樓上
捨身即轉爲男子佛爲授記本起經本同
更說龍施宿命爲毒蛇聞法捨身生兜率
天下生爲長者女

八吉祥經

八吉祥呪經

八陽經

八佛名號經

右四經各說八佛菩薩名號持誦功德本

同譯別

孟蘭盆經

報恩奉盆經

右二經佛爲目連說救母法并爲未來世
爲見世及七生父母祈福拔苦

校量數珠功德經

數珠功德經

右二經本同譯別文殊說誦摺數珠一徧
鐵者得福五倍赤銅千倍真珠珊瑚等寶
百倍槐子千倍蓮子萬倍水晶者福萬萬
倍用菩提子或但手持其功德無量無數
不可稱量

度四

不空羈索神變貞言經三十卷

女慕貞

右佛在補陀洛山與九十九億俱胝大菩
薩及天龍八部居觀世音菩薩說是神呪
是一切諸佛菩薩大寶光聚若造極惡業

應墮阿毗地獄經無數劫受無間苦能懾

悔持誦罪悉得滅不墮地獄唯五逆罪現

世輕受痛苦何況淨信輕罪受持無不成
就若種種災厄怖畏惡夢不祥悉得消滅
有無量殊勝利益壇場手印持誦祈願呢

藥治病降伏攝召諸天種種神變及求佛

菩薩天神龍女藥精現身等法

不空羈索陀羅尼自在王呪經三卷

潔

寶思惟譯

不空羈索陀羅尼經

李無詭譯右二經本同譯別十六品觀世

音菩薩說除一切業障集一切福慧成就
一切佛法滿一切求願役召降伏除止災
疫求見觀音種種等法

不空羈索呪經

度四

隋天竺三藏譯

不空羈索神呪心經

九

奘法師譯右二經本同譯別說持誦者獲
種種殊勝功德呪藥治病除災滅業種種
求願等法本經後序云此經者三際種智

之格言十地證真之極趣也裂四魔之偏

罟折六師之邪幢運諸子之安車詣道場
之夷路者也印度諸國咸稱爲如意神珠
名不空者謂擲網取獸時或索空茲教動
桴罔不玄應故爾

千眼千臂觀世音菩薩陀羅尼神呪經二卷

右唐貞觀中智通翻譯訖懇祈徵應感現
聖證此陀羅尼能滅罪治病降伏魔怨滿
足一切祈願請雨止雨種種殊勝功德有
二十五種印呪法大身呪九十四句與大
悲心呪本別

千手千眼觀世音菩薩姥陀羅尼身經

右二經本同譯別觀世音說利益一切衆
生持誦壇印攝召降伏除災增壽能滿種
種求願日月蝕時呪蘇一百八徧結印印

蘇食令人日誦萬偈

千手千眼觀世音菩薩廣大圓滿無礙大悲
心大陀羅尼經

右唐西竺三藏伽梵達磨譯觀世音菩薩
白佛我欲衆生得安樂除病壽命富饒減

一切惡業因緣成一切功德善根離一切
怖畏滿一切所求說此神呪若受持者除
滅身中百千萬億劫生死重罪不受十五
種惡死得十五種善生及說四十手種種
求願及治種種病苦等法

觀世音菩薩祕密藏如意輪陀羅尼神呪經

庭四

唐于闐三藏實叉難陀譯

觀世音菩薩如意摩尼陀羅尼神呪經

唐天竺三藏寶思惟譯

觀自在菩薩如意心陀羅尼經 男

唐三藏義淨譯

如意輪陀羅尼經

唐三藏菩提流支譯右四經本同譯別誦者除災集福消罪愈病五無間業皆得清淨百千種願悉得如意降伏鬼神見佛菩薩資具豐足色力安盛種種呪藥護摩等法

文殊師利根本一字陀羅尼經

曼殊室利菩薩呪藏中一字呪王經

右二經同本異譯佛說此呪守護衆生一

切如來祕密心大神呪王更無過者有大

神力文殊常來擁護此呪尚能攝得文殊

況餘賢善能消一切災障惡夢怨敵五逆

四重十惡罪業一切不祥能成辦一切善

事滿一切願二偏護同伴三偏護一宅四

偏護一城五偏護一國及說呪種種藥病等法

十二佛名神呪經

稱讚如來功德神呪經

右二經同本異譯說十方十二佛名及神呪持誦功德五千五百佛名經第一卷十二佛號與此同

孔雀王呪經

大金色孔雀王呪經

佛說大金色孔雀王呪經

孔雀王呪經二卷

大孔雀呪王經三卷

義淨譯右五經同本別譯前略後廣佛時一年少比丘析薪爲毒蛇蟄閼絕于地吐沫翻目阿難疾走告佛佛說此呪令往救

治即得消除此呪於一切恐怖厄難疾病
憂惱饑餓囚繫悉得解脫有大神力求者
皆驗五天諸國南海十洲無問道俗二乘
皆尊敬讀誦求請蒙福文報不虛舊經文
闕致此土未甚流布義淨本畫像壇場軌
式具備利益無邊

陀羅尼集經十二卷 效才

右唐永徽年中天竺三藏譯此經本出金
剛大道場經大明呪藏六萬偈中之少分
也撮要而譯第一卷佛部上大神力陀羅
尼經釋迦佛頂三昧陀羅尼品種種印壇
求願降伏等法第二卷佛部下說諸佛頂
印呪等法藥師瑠璃光佛阿彌陀佛印呪
持誦得往生事及數珠跋折囉功能法相
等法第三般若波羅蜜經心呪印壇等法

庭四

十二

議第三
卷末

第四第五第六卷觀世音印呪壇場諸法
第六卷半後諸大菩薩法會勢至文殊彌
勒地藏普賢虛空藏等印呪法第七第八
第九金剛部大笑火頭青面金剛等金剛
諸印呪法第十第十一諸天部摩利支天
功德天及釋梵四王日月星宿諸部神王
各各獻佛助成三昧印呪佐護衆生法第
十二卷諸佛大陀羅尼都會道場灌頂善
集壇法

誦真言功德力如日月之光念佛功德如
夜燈之光若日日供養誦明兼念佛功德
如須彌之高大海之深若唯念佛名不兼
誦明如香山之小阿耨達池之淺若日日
供佛誦明滅罪如火燒草木功德不可思
議

十一面觀世音神呪經

十一面神呪心經

右二經與前陀羅尼集經第四卷十一面
神呪經同本異譯集經中印法廣備此經
觀世音說種種持呪求願殊勝法

摩利支天經

庚四

十三

右佛說有天名摩利支常行日月前有陀
羅尼能守護人一切時處怨賊兵刃不能
加害種種利益與前集經第十卷初同本
異譯前廣此略

兜五首經

右奘法師譯一千轉陀羅尼二六字呪三

七俱胝佛呪四一切如來隨心呪五觀自
在隨心呪

千轉陀羅尼觀世音菩薩呪經

右與前集經第五卷初及雜呪同本異譯
六字神呪經

右與前集經第六卷中文殊呪及呪五首
同雜呪

七俱胝佛大心准提陀羅尼

七俱胝佛母準泥大明陀羅尼

右二經同本異譯呪五首及雜呪中同說
是陀羅尼大勝妙功德種種求願等法
觀自在菩薩隨心呪經

右觀音說是呪有不可思議威力多所饒

益怨對惡障巧畏一切皆息能滿種種承

願等法

佛頂尊勝陀羅尼經

杜行顥等譯
三十五句

良

右唐高宗儀鳳元年西域僧佛陀波利來
禮五臺願見文殊忽見一老人謂曰漢地

衆生多造罪業唯有佛頂尊勝陀羅尼經

能滅除惡師可以此經來流傳漢土廣利

群生拯濟幽明報諸佛恩語已忽然不見

僧遂西還永淳二年取經回至京高宗詔

日照三藏與司賓寺典客杜行顥同譯此

庭四

十四

陀羅尼八十八宛伽沙俱胝百千諸佛同
共宣說爲救善住天子七返傍生之苦爲

救三塗六道十惡五逆一切衆生種種生

死危急苦難夭者增壽病者脫苦書高幢

上或窣堵波中結壇呪土有種種殊勝功

德衆生墮惡趣者悉得解脫拔幽顯最

不思議大曆中僧法照入金剛窟文殊聖

寺見佛陀波利云

佛頂尊勝陀羅尼經

佛陀波利譯
三十四同

右即前經本日照譯進高宗祕藏禁中波

利泣請曰捐命取經本期普濟願請梵本
帝還之乃訪西明寺僧順貞同翻遂有兩
譯其實一也

最勝佛頂陀羅尼淨除業障經

三藏地婆訶
羅譯三十六句

句

右亦同前本而序說善住天子因果等事

加詳

佛頂最勝陀羅尼經

右與前本同譯別僧彥悰序

四十
八句

佛頂尊勝陀羅尼經

庭四

右義淨譯五十三句

舍利弗陀羅尼經

出生無量門持經

無量門微密持經

無量門破魔陀羅尼經

四經本同譯別右佛爲十方海會菩薩說
是決定大乘一切功德甚深法藏能滿一
切願有種種勝妙功德

阿難陀目佉尼呵離陀隣尼經

阿難陀目佉尼呵離陀經

出生無邊門陀羅尼經

一向出生菩薩經

四經本同譯別右佛說此陀羅尼殊勝祕
密微妙法門能滿菩薩一切行大功德藏
阿彌陀佛往昔因地爲國王太子聞是經
已奉持精進七千歲中不睡脇不至席不
念愛欲財寶不問他事常獨處止意不傾
動復爲教化世間人民令八十億萬那行
人皆得阿惟越致

種種雜呪經

右集種種神呪

妙臂印幢陀羅尼經

勝幢臂印陀羅尼經

右二經本同譯別能滅五逆十惡等罪終
不更受諸惡趣生得種種樂

無崖際總持法門經

尊勝菩薩入無量法門陀羅尼經

右二經本同譯別說陀羅尼功德利益及
廣演法義

金剛上味陀羅尼經

金剛場陀羅尼經

庭四

十六

右二經本同譯別說諸趣十二緣等法皆

陀羅尼門

師子奮迅菩薩所問經

華聚陀羅尼經

華積陀羅尼經

右三經本同譯別說持呪功能保護衆生

六字呢王經

六字神呪王經

右二經本同譯別說滅一切惡毒呪厭延壽解難法

虛空藏問七佛陀羅尼呪經

如來方便善巧呪經

右二經本同譯別諸佛各各說呪保護衆

生消災除病滅罪延壽及能令人知宿命

事有種種求願法

持句神呪經

陀鄰尼鉢經

東方最勝燈王如來經

右三經本同譯別諸佛菩薩各說神呪利

樂衆生有種種求願法

善法方便陀羅尼經

護命法門神呪經

金剛祕密善門陀羅尼呪經

右三經本同譯別說此呪能保祐衆生有種種持法

無垢淨光大陀羅尼經

右婆羅門七日當命終墮大地獄禮佛求救佛爲說此延壽滅罪陀羅尼令修古佛舍利壞塔安此陀羅尼於輪檻中供養得

延壽滅罪有種種儀法檻塔中柱也造塔

當檢用

請觀世音消伏毒害陀羅尼經

右說陀羅尼能救護一切衆生消伏毒害種種障難

內藏百寶經

右說佛方便智隨順世間諸示現事

溫室洗浴衆僧經

右說洗浴衆僧有大功德福報

須賴經

右舍衛國中有極貧者名曰須賴方便度

人示現極貧道力堅固天帝屢試而不動
須賴得瑞應珠寶常謂波斯匿王爲極貧
者欲施與王王以爲不然求證於佛佛爲
說法授須賴佛記與寶積經第二十七善
願菩薩會同本異譯

私阿昧經

右長者子名也見佛威光問因地佛爲說

此經

菩薩生地經

右佛爲長者子差摩竭說菩薩行

庭四

十八

四不可得經

右說四人得五神通隱身空中海中山石
中鬧市中皆欲逃死而不得

梵女首意經

右佛爲首意女說法授記

成具光明定意經

右佛爲貴姓子善明說廣修六度等法有
法名成具光明定意不見十方生死起滅
之處乃至如來皆無見止清淨想亦不止
清淨想是爲空見無所見當是時心不在

內不處外不道不俗不有不無不起不滅
不於動搖處是心無根無音響爲空爲滅
爲都無所有爲應成具光明定意之法是
法無所有強爲其名後爲善明等授如來
記

寶網經

右佛爲寶網童子說諸佛名號功德
菩薩行五十緣身經

右說佛身相好因地功德

菩薩修行經

庭四

右五百長者發正真道意問佛當學何法

十九

佛爲說此經

諸德福田經

右佛說八福田一者衆僧有五淨德名曰
福田爲良爲美爲無旱喪供之得福又有

七法廣施行者得福即生梵天一者興立
佛圖僧房堂閣二者園果浴池樹木清涼
三者常施醫藥療救衆病四者作堅牢船
濟度人民五者安設橋梁過度羸弱六者
近道作井渴乏得飲七者造作圊廁施便

利處是爲七事得梵天福佛會中阿羅漢
比丘比丘尼天帝釋等各各說往昔因緣
道邊作小精舍供給止息僧福報爲帝釋
輪王施一呵黎勒果供衆僧九十一劫無
病瓶醪施豪尊榮貴施沐浴無病身真金
色一柰奉佛累劫端正不生胞胎施珠瓔
爲天帝釋施圊廁累劫無病無諸穢垢
大方等如來藏經

右說衆生煩惱身中有如來藏與佛無異
有九譬喻如華開見佛蜂去得蜜棟除成
七法廣施行者得福即生梵天一者興立
佛圖僧房堂閣二者園果浴池樹木清涼
三者常施醫藥療救衆病四者作堅牢船
濟度人民五者安設橋梁過度羸弱六者
近道作井渴乏得飲七者造作圊廁施便

佛語經

右龍威德上王菩薩問佛語非佛語義佛說此經

金色王經

右說佛因地施辟支佛食獲福報

漢道俗業經

右佛爲給孤獨長者等五百居士說治家財有三輩出家修學三乘疾成佛道開化衆生之法

百佛名經

右說持百佛名功德

稱揚諸佛功德經三卷 必

右佛說四方上方諸佛名號本願功德持誦者獲福無量

須真天子所問經四卷

右佛答須真天子所問菩薩三十二事又

文殊答所問大乘法義能斷一切狐疑普入諸佛方便慧

摩訶摩耶經二卷

一名佛升忉利天爲母說法經

右佛於忉利天宮爲母說法及摩耶夫人所自說偈佛涅槃已摩耶從天來下世尊從金棺起如師子王奮迅放千光明與千化佛悉皆合掌向摩耶說偈已闔棺如故又名佛臨涅槃母子相見經

佛說除災患經

右維邪離國災患投佛求救佛來至巴國

度四壬人安樂災病除愈復說才明長者家大富饒慄女生於華中及恒河邊一切餓鬼種種宿因

孝經

右外道謀欲毀佛殺女埋祇樹間七日事

露佛說宿命爲國王師其名曰李王後以
讒間故李辭去其國遂亂後王悔過復尊
用李故國復治

觀世音受記經

右說觀世音次補彌陀佛其國土莊嚴超
越百千萬倍佛號功德山王如來得大勢
菩薩次補觀音成佛號善住功德寶王如
來

海龍王經四卷 改

右海龍王供佛問法請佛入宮化作三道

寶街從海邊至海底金銀琉璃甚微妙好

如佛昔從忉利天下閣浮提佛入龍宮化

海衆生無量無邊佛言犯戒律者不捨直

見不墮地獄此類多生龍中釋迦佛法中

有九百九十億居家出家者皆生龍中佛

以一衣徧分龍衆使免金翅鳥怖佛衣雖
一而億萬龍衆受用無盡及爲龍王諸眷
屬等說法授記

首楞嚴三昧經三卷

右佛說是三昧非九地已下菩薩及二乘
人所知唯受職菩薩之所能得不以一事
一緣一義可知一切禪定解脫三昧神通
無礙智慧無所不攝如海會百川得此三
昧故一切三昧皆悉隨之故名首楞嚴會
中諸大菩薩證此三昧者各現種種大自
建四
王三

在神變

觀普賢行法經

右阿難迦葉彌勒問佛云何衆生不失無
上菩提之心云何不斷煩惱不離五慾得
淨諸根父母所生眼得見障外事等佛說

是經說觀普賢菩薩身相境界懺悔滅罪

淨六根等得諸佛現前三昧

觀藥王藥上二大菩薩經

右說二大菩薩本因行願爲兄弟同發菩提心及記當來相次成佛名號壽量莊嚴等事及觀念二菩薩滅罪獲種種功德內有五十三佛名懺罪法

不思議光菩薩所說經

右舍衛國有棄嬰兒遇佛即能問答說法踴身空中放大光明證無生忍受菩提記

佛說昔因於毗婆尸佛法中以瞋恚罵菩薩生生爲婬女子被棄空處惡業盡故受善業報遇佛授記

十住斷結經十卷 得能

右說十住菩薩所斷所修所證等種種法

庚四

諸佛要集經二卷

義第九卷說中
陰生滅基詳

右說世尊於東方天王佛土與諸佛會集說法文殊師利欲往彼土見佛聞法天王如來神力移立鐵圍山頂令講無極深妙之法爲將來諸菩薩衆顯大光明離意女佛前入定以文殊神力不能出定佛言棄陰蓋菩薩乃能出此女定文殊與離意女棄陰蓋菩薩等問答種種要妙法義

未曾有因緣經二卷

右說佛子羅云出家幼少不樂聽法佛爲化度說經上卷說佛往劫爲野干以聞法不修行故墮旁生爲天帝說十善法八萬諸天發菩提心諸天供養禮敬死生兜率天下卷說五女婢昔世因緣溫受信施累

劫受苦償債等事

菩薩瓔珞經十四卷 莫忘

右此經四十五品佛與諸大菩薩羅漢問答種種法要會衆聞法受度不可勝數

超日明三昧經二卷

右佛說此三昧大慧光明利益能照無形

一切不礙四大不礙雲霧夜闇不礙鐵圍

故諸菩薩問答種種法要日天王王后太子眷屬請佛日宮供養問法天人受度無量有長者女名曰慧施與五百女人聞法發願轉爲男子受記却後十劫成佛及說佛往昔因地以謗法故歷劫墮大地獄又以解空精進故得速疾成佛

賢劫經十三卷 四

右佛說了一切法本三昧復詳列二千一

庭四

五
五·一六〇八

百諸度無極合八千四百諸度無極一變爲十乃至八萬四千諸三昧門銷除八萬四千衆垢塵勞是諸佛道深入無極致一切智復說賢劫千佛第六卷名號父母弟子光明壽量說法所度遺法年數分布舍利及發意因地

大法炬陀羅尼經二十卷 談彼

右佛說過去無量無邊劫放光如來說此陀羅尼甚深經典此陀羅尼門則能總攝諸餘經典出生一切修多羅一切章句一切分別義一切諸波羅密故名爲門五十二品說種種法門因緣

大威德陀羅尼經二十卷 短靡

右佛爲阿難說陀羅尼法本過去諸佛已說廣利益諸天人等故令衆生受安樂故

廣說三界諸趣善惡事相種種法令諸衆

生增智增念增慧增辯

佛名經十二卷 恃已

右佛說能受持讀誦此諸佛菩薩名者終不墮惡道生天人中常值佛菩薩善知識離諸煩惱至得菩提

過去莊嚴劫千佛名經

見在賢劫千佛名經

未來星宿劫千佛名經

右佛說聞是佛名信樂持誦供養讚禮者

勝用十方佛國滿中珍寶純摩尼珠至梵天百千劫中布施經中有種種懺悔法

佛所護念經二卷

右列十方佛名初中後無長敘說

五千五百佛名經八卷 長

右說受持佛名功德及諸陀羅尼
華手經一十卷 信

右佛與諸大比丘諸菩薩等夏安居已三千大千世界八部雲集及他方諸佛會中一生補處菩薩等各持華奉供佛說是斷衆生疑經知一切衆生深心令入法海說諸菩薩行及淨佛國化衆生業成就諸波羅密法門有種種因緣

大方等陀羅尼經四卷 使

右佛言我去世後此方等經在閻浮提如

日月照明世間衆生遭恩得見四方能滅一切大罪業報身有白癩一心懺悔若不除差無有是處此是一切衆生之大珍寶能令衆生得究竟樂四重五逆佛海死屍依小乘經如斷多羅樹畢竟不生無懺悔

處依大乘經聽許洗浣此經如呪枯生果
如死者還生如囚聞赦如病得醫如貧得
寶如行到家經云於一劫中教化一切令
登補處格其功德不及香華供養此經功

德況能依法修行者耶經中詳說修懺行

道滅罪增壽善惡夢應種種事庚四南岳思

禪師七載修行遂淨六根天台智者方等

三昧行法一卷說修行此法至詳至妙

大方廣圓覺經

右佛言此經百千萬億恒河沙諸佛所說

三世如來之所守護十方菩薩之所歸依

十二部經清淨眼目亦名如來決定境界

名爲頓教大乘頓機衆生從此開悟亦攝

漸修一切群品布施七寶積滿大千世界

不如聞此經名及一句義教百恒河沙衆

生得羅漢果不如有人宣說此經分別半
偈圭峯禪師作大小疏鈔修證儀裝相作
序盛行于世

僧伽吒經四卷

右佛說聞此法門除五無間罪於菩提得
不退轉一切善法皆得成就所得功德之
聚如佛世尊當得壽八十劫九十五劫自
識宿命六萬劫中爲轉輪王於現在世人
所敬重刀毒不傷妖蠱不中臨終見諸佛
安慰之言汝莫怖畏將至佛國聞此法門

庚四

壬七

不墮惡道不墮愚癡不生邊地若人施諸
樂具供養六十二億恒河沙諸佛聞此法
門其福正等詳如本經

力莊嚴三昧經三卷

右佛入力莊嚴三昧十萬諸佛剎地大震

動諸佛悉皆讚歎釋迦佛勇猛精進能行
難行苦行有大願力於五濁惡世救苦衆
生十方佛土聞釋迦佛名者皆得受菩提
記或得聲聞果力莊嚴者如來十種力有
大威德神變令三千大千世界成大莊嚴
詳如本經

觀佛三昧海經十卷 可

右說佛身相好光明觀三十二相有無量
殊勝功德繫心入定逆觀順觀是爲念佛
三昧佛示現相好光明時四衆八部了了
得見有業障者見佛色身猶如灰人或如
聚墨佛說其宿咎教以懺悔已皆得明見
得果受記第三觀佛心品第五說諸地獄
一切苦相甚詳觀佛心者是大慈也大慈
所緣緣苦衆生苦衆生者謂三惡道也第

十說觀七佛十方佛及諸佛菩薩說昔因
地因觀佛得道佛言此觀佛三昧是一切
衆生犯罪者藥破戒者護失道者導盲寘
者眼愚癡者慧黑闇者燈煩惱賊中是勇
猛將三世諸佛皆說如是念佛三昧十方
諸佛皆由此法成三菩提

大藏聖教法寶標目卷第四

庭四

三丈

音釋

抗拒抗苦浪切拒其呂 挑苦洽切蟄施隻
切抗拒抵禦也 頽魚豈切 桀昨宗切 桉乃代 蘭果五切
行毒也 慄宗切 焉毒也